













# LETTRE

511

## CONSOLATOIRE

### ET MEDITATION

sur l'estat present de  
l'Eglise.

Esaye 26. vers. 20.

*Vien mon peuple, entre en tes cabinets &  
ferme ton huis sur roy.: Cache toy pour vn bien  
petit moment, iusques à ce que l'indignation soit  
passee.*

M. DC. XXI.



512  
116

CASE  
F

39

326

1621 LE

THE NEWBERRY  
LIBRARY





LETTRE CONSOLATOIRE  
& Meditation sur l'estat present  
de l'Eglise.



Onsieur & frere,

Ces temps fa-  
cheux avec la ra-  
reté & incertitu-  
de des nouvelles en ces quar-  
tiers, me font desirer plus ar-  
demment & espier plus soi-  
gneusement, l'occasion de  
vous escrire. Ce present por-  
teur v'ous informera de nostre  
portement & condition: de-  
quoy nous auons à remercier

A ij

la bonté de Dieu, qui nous espargne & nous supporte en comparaison des autres, qui sont meilleurs que nous, & qui toutesfois tiennent nostre place sous la verge de nostre Pere commun; qui nous fera aussi boire la coupe à nostre tour. Car il nous conuient mesurer ceste calamité publique & l'issue d'icelle, non par le cours & train sensible des affaires, mais par le ressentiment de nos offences. Ce feu purgatif du courroux de Dieu allumé par toute la Chrestienté, semble signifier comme nouueaux Cieux & nouvelle terre: & ayant prins son van & sa pale

5  
en sa main, il ne les quittera  
point qu'il n'ayt nettoyé toute  
nette son aire. Et qui pourra  
porter le iour de sa venue? &  
qui pourra subsister quand il  
apparoistra? dit le Prophete.  
Car il est comme celuy qui raf-  
fine, & comme le saumon des  
foulons. Je ne doute pas  
donc que la tribulation ne soit  
ou longue, ou courte: mais  
violente & vehemente. Le  
long repos de nos Eglises, les  
ont rendu pesantes: & l'aïse de  
la paix les ayant reuestuës de  
longues robes & destrouffees,  
les red auourd'huy inhabiles  
à suiure Iesus-Christ: qui avec  
ses reins trouffez marche trop

viste pour l'indisposition de plusieurs, qui empiegez dans les pans de leurs robes, bronchent & tōbent au lieu de courir. Les long Estez engendrent beaucoup de vermines, desquelles la terre ne peut estre purgee que par vn long ou aspre Hyuer. Vne lōgue santé en intemperance fait finalement faire de grandes & dangereuses maladies, qui ne se guerissent que par plusieurs & violens remedes. Le blé ne sort de son fourreau & ne quitte sa bale que sous la pesanteur du fleau, qui le separant de son ordure rompt la paille inutile : & si le fleau ne le trouue



meur & solide ill'escrase & le  
perd au lieu de le purger: com-  
me, hélas! on le voit trop au-  
jourd'huy avec soupir & ge-  
missement. La bône semence ne  
peut croistre entre les espines,  
non plus qu'une estincelle ne  
bruslera point au profond de  
la mer. Et on veut que la foy  
viue & croisse au milieu des  
delices! mesmes la force des  
Sansons se trouue finalement  
perdue par trop & trop longue-  
ment dormir au giron de De-  
lila. Pour auoir par trop laissé  
reposer le sarcloir de la disci-  
pline en sa gaine, ou pour ne  
s'en estre pas bien seruy; les  
ronces, les orties & espines

518  
516  
8  
sont creuez au sanctuaire, voire iusques sur l'autel, si fortes, que maintenant il n'y a que le seul bras de Dieu qui les puisse arracher.

Voila quel est mon sentiment & meditation sur l'estat & condition presente de nos Eglises. Pourtant i'estime que le meilleur est, voyant vne telle nuee, de s'abrier & retirer au plustost en la cachette du Souuerain. Et pour bien & heureusement resister à la tentation & la surmonter, il ne faut point combattre Goliath avec les armes de Saül : elles sont de mesme estoffe. Les enfans de Dieu ne domptent point

point l'orgueil par l'orgueil,  
& la malice par la malice.  
Mais il faut prendre en main  
le caillou & la fode de Dauid,  
la foy & la repentance: vain-  
cre la cruauté par patience, &  
l'orgueil par humilité iusques  
à ce que nous soyons equip-  
pez de ce harnois de Dieu.

Je ne m'ose promettre au-  
cun succez ny deliurance.  
Nous faisons à nostre Dieu  
comme les bestes fines deuant  
le veneur: nous rufons mali-  
cieusement, & ne nous voulons  
laisser prendre. Le pressoir  
estrainet bien fort presque  
par tout, & si ne voit-on pas  
encore espreindre vne lar-



me de vraye repentance,  
point ou peu de confes-  
sion ou recognoissance de ses  
fautes : ressemblant pour la  
pluspart aux criminels impe-  
nitens & endurecis en leurs fau-  
tes, que n'y par viues remon-  
strances, n'y par les liens &  
longues detentions, & autres  
grandes incommoditez & pri-  
sons ne viennent à confession  
de leurs crimes, iusques à ce  
ce qu'ils se voient estendus sur  
le cheuallet, & tous rompus  
& moullus de tourments.  
C'est cét horrible iugemēt de  
Dieu que i'apprehende. Ap-  
prehension certes qui nous  
fera profitable, à vous & à

moy, & à tous fidelles qui feront comme les vierges, si nous montons de bonne heure à la breche au deuant de ce iugement. La bonne semence de Christ ne peut prendre racine en nos cœurs, que la semence d'Adam, qui est vne plante que le Pere celeste n'y a point plantee, ne soit arrachee. Trauailions tous les iours de plus en plus à ceste tasche: c'est ce maudit peché qui pieça nous a separé de Dieu, & qui tous les iours nous demembre de la communion des Saints: mais son contraire nous reünira, à sçauoir la correction d'iceux. Auant la

102  
522

prise derniere de Ierusalem  
toute l'Eglise estoit deschiree  
de diuisions & sectes: mais l'af-  
fliction de la prise les fit tous  
esgaux & reünit en vn corps.  
Mesnageons donc & approf-  
fitions tout ce que receuons de  
Dieu, pour auancer sa gloire  
& nostre salut. Ce que ie luy  
demande d'aussi bon cœur,  
comme ie suis,

MONSIEVR & frere

*Vostre tres-humble & tres-cher  
frere & meilleur amy.*

















